

CUSSEGL GROND

Sessiun da favrer 2024

Dumonda Krättli concernent l'amplificaziun dal sector da la via naziunala N13 tranter Rehenau e Giuvaulta

Il traject da la via naziunala N13 tranter Rehenau e Giuvaulta cun il portal sid dal tunnel Isla Bella ha actualmain mo in vial en mintga direcziun. Quest traject è la colliaziun nord-sid la segund impurtanta da la Svizra e sa chatta unicamain en ils chantuns Grischun, Tessin e Son Gagl. Questa reducziun dals vials procura regularmain per grondas stagnaziuns dal traffic en tuttas duas direcziuns, quai che chaschuna in traffic da guntgida considerabel sur la rait secundara da vias chantunalas ed engrevgescha massivamain tranter auter las vischnancas da Domat, da Panaduz e da Razén.

Er l'Uffizi federal da vias (UVIAS) ha enconuschì las mancanzas ed ha cumenzà l'onn 2022 in studi da variantas cumplessiv davart l'amplificaziun da la N13 tranter Rehenau e Giuvaulta cun il portal sid dal tunnel Isla Bella. Il chantun Grischun e las vischnancas pertutgadas vegnan integrads en il process da planisaziun.

En il PROSS 2023 ha la Confederaziun ussa attribui quest project d'amplificaziun a l'ulteriur orizont da realisaziun (sunter 2040). Quest orizont da realisaziun posteriur na tegna betg quint da la gronda impurtanza da quest traject per la colliaziun nord-sid, ed er betg dal fatg che la realisaziun procurass per ina gronda distgargia da l'entira regiun cun damain stagnaziuns dal traffic e cun in meglierament da la qualitat d'abitar per la populaziun pertutgada.

1. Tge exact fa la Regenza grischuna ussa, per che quest project vegnia attribui ad in orizont da realisaziun pli tempriv (avant 2040)?
2. Tge mesiras utilas vegnan prendidas per distgargiar las vischnancas en cas da grond traffic da guntgida?

Cuira, ils 14 da favrer 2024

Krättli, Heim, Hefti, Adank, Bavier, Berthod, Bisculm Jörg, Brandenburger-Caderas, Butzerin, Candrian, Casutt, Censi, Cortesi, Danuser (Cazas), Della Cà, Derungs, Dürler, Favre Accola, Furger, Grass, Koch, Lehner, Loi, Menghini-Inauen, Morf, Righetti, Roffler, Schutz, Sgier, Stocker, Thür-Suter, Tomaschett, Weber